

FRIISK TISING

Lasmootebles foon e Friisk Foriining – 2/2016

telefoon: 04671-6024154, iimail: info@friiske.de

Iirsberucht 2015/2016 (korted)

. . . forlaid aw e lasmootefersoomling foon e Foriining, di 17. märts 2016 önj Risem.

- Bai üüs lasmoote foon Frisia Historica begant et iir åltens ma en uursfäst än en **noopemårket**

- E 23. april wus **Renate Schnack** önjt Friisk Hüs, am ma repräsentante foon da frasche feriiine ouer e "hoonlingsploon språkepolitiiik" tu diskutiiren. Et müülj deerbai as,



Bahne Bahnsen, formoon

dåt üüsen språke döörgungs foon e bjarne-tün bit tu e uniwersitåat önjbin wårt.

- Bai e 60. **FUEV-kongrås** foon e 13. bit 17. moi önj Komotini/Greekenlönj wus e Foriining ma Bahne Bahnsen än Ilse Johanna Christiansen fertrin.

- Üüsen ålereklub köm e 21. moi aw san **uursütfluch** eefter Åfkebel. **Marie Tångeberg** häi da senjoore tu kafe inlååsid.

- Foon e 5. bit 7. juuni jäif et aw Sal en **teoterseminaar**, weer da diiljnamere foon Michael Tegge wised wörd, hü huum ma sward än schild amgungt.

- Sunt juuni koon huum önjt Friisk Hüs önj Bråist en bileütstaling foon e weestfrasche fotograaf **Sipco Feenstra** bewunere.

- E 29. juuni måågeden jam maning repräsentante üt Fraschlönj aw e wåi eefter Kil: Thorsten Albig häi lååsid tu "**25 iir manerhåideschööl** önj e ferfooting".

- Foon e 6. bit 8. juuli wjarn Christiane Bodenhagen än Manfred Nissen ma da frasch-schoulere üt Bråist aw en **frasch fiiljtuur** eefter Åäderstää tut dånsh schölj önj Taning.

- Önj e rååme foont „**madelålerlik driwen**“ foon Frisia Historica heet e Foriining ouert waagiinje 18./19. juuli tou tooche et friluft-teoterstuk "**E ploon foon e Saks**" bai e bååsewåile önj Naibel apfjard.

- E Friisk Foriining wus foon e 7. bit 14. august ma Gary Funck än sin tiim aw en **frasch jöögedspråkeråis**. Jarling be-

sechten da junge manschne twasche 14 än 18 iir e keltisch manerhåid önj Cornwall.

- Üüsen **samerütfluch** gäng e. 5. septåmber ma en ra priwootwoine tut Danevirke-Museum ma Waldemarsmör, da wålönjlååge än e ütstaling ouer e dånsh manerhåid. Tu kafe, kååge än is gäng et awåådrie tu e Wikinger-torm önj Slaswik.

- E 19. septåmber häi e Friisk Foriining besåk foon en floose **finlönj-schweede**, wat jam ouer e aktuåle lååge foon e friiske följkfloose informiire wålj.

- Frisia Historica häi e 26. septåmber wi en **harfstnoopemårket** än en weedstrid önj boogeschiitjen önj Hünebel organisiird.

- "**Bile än mör foon Marie Tångeberg**", sü wörd en ütstaling aw Mikkelberg önj Haatst nåmd, weer e Friisk Foriining tu-huupe ma da manschne foont kunst-center foon e 2. oktober bit tu e 15. nowåmber 2015 tu lååsid häin. Tu e infåaring snååked dr. Karin Haug.

- E 15. oktober besechten üüs ålere lasmoote aw jare **harfstütfluch** jü Tångeberg-ütstaling önj Haatst.

- "Ful hüs" bait 28. **Friisk Harfsthuchschölj** awt dånsh följkhuuchschölj önj Jarplund. Mör as 50 diiljnamere wjarn foon e 21. bit 25. oktober önj e gung ma ünlike workshops än måågeden en ütfluch önj e Fröruper bårje. Claas Riecken hül en for-dreeging ouert ferhüülj foon e frasche tu e dånsh manerhåid.

- Önj e ra „Nordfriesische Lebensläufe“ bait Nordfriisk Instituut as iinje oktober e biografii ouer di frasche loondåismoon **Berthold Bahnsen** rütkiimen. Schraawen as dat bök foon Dr. Claas Riecken. Et wörd for ouer 100 lååside geeste di 31. oktober önjt Andersenhüs präsentiiird. Lååsid häin e loondåispräsident Klaus Schlie, et Nordfriisk Instituut än e Friisk Foriining.

- E 12. nowåmber wjarn da ålere lasmoote tu en eeftermadi önjt Café foont **Hans-Momsen-hüs** inlååsid. Greta Johannsen wised trinam än ferteeld, hü et tut museum ma dat önjslin café kiimen wus.

- E 27. nowåmber wus en frasch delega-tsjoon tu en **drååwen foont bund-greemium** önj Berlin, weer et am e stipe for da manerhåide önj Tjüschlönj gäng.

- Üüsen ålere-klub häi e 10. detsåmber lååsid tu en fiirliken **adwånts-eeftermadi**